

## Октон-калтон кампанилы дасяськонзэ азинлыко йылпум'яно

Туэ тулыс возматиз сое, что тросэз колхоз'ёс но машинно-тракторной станция луд уж'ёсты умой дасяськен оз пумиталэ. Машинно-тракторной станция трактор'ёсты тупат'ян планзэ дырыз дыр'я быдэстымтэен, кизыны кутскем бере тупат'яны туртскиз на. Тулыс луэм урокэ МТС али но лыдэ оз басыты. Соин сяна номырин но валэктны уг луы октон-калтон машинаосты тупат'янлэсь чидантэм дяб мынэмзэ.

Октыны-калтыны кутскон нунал'ёс нуналмысь матэ но матэ вуо. Нош МТС 24 июньлы 14 комбайн'ёсыз пöлысь нбыльзэ сяна оз тупат'я на. Етйн ишкон машинаост тупат'ямын 50 процентлы, кутсаськон машинаос 10 пöлысь одйгез гинэ. Ляб мынэ мукет машинаосты тупат'ян но.

Дырыз дыр'я вань октон-калтон машинаосты тупат'яса быдэстыны понна МТС-ын 25 мурт'ёс тракторист'ёс, комбайнер'ёс ужано луо ке, али дырлы 12—15 мурт сяна уг ужало. Татысен тырмытэсь основаниос вань малпаны, что МТС обеспечить карыны уз быгаты октон-калтон кампани кутскыку машинаосын.

Интысь факт'ёс возматэ колхоз'ёслэсь октон-калтонлы чидантэм ляб дасяськемзэс но. Тани Лековаевской сельсоветысь, „Лековой“ колхоз 2 аран машина, 3 турнан машина, 1 кутсаськон машина, 67 уробоос но 120 мешок'ёс но полөг'ёс дасяно луэ ке, али дырлы тупат'ямын 35 уробо но дасятэмын 45 мешок гинэ. Нош октон-калтон машинаосты тупат'ян котыре кутскемын öвöл на. Машинаосты тупат'яны кутскон сярысь колхозлэн председателез Владыкин эш уг сюлмаськы, кузницаязы кузнец'ёсы но öвöл.

ВКП(б) лэн Удмуртской обкомезлэн пленумезлэн постановлениез'я вань октон-калтон машинаос, транспортной инвентарьёс, одйгет'июлэзь тупат'яса быдэстэмын луыны кулэ. Та дырозь трос оз кылыны. Соин ик та периодлы составить кароно твердой график, кудйз обеспечить кароз октон-калтон машинаосты дырыз дыр'я тупат'яса быдэстонзэ.

Таин ваньмыз уж уг йылпум'ясыкы. Матысь 6-8 нунал'ёс куспын комбайнэн октыны-калтыны понна участок'ёс вис'яны кулэ и со участок'ёсты умой сюзьса дасьтоно. Соку ик составлять кароно октон-калтон кампани дырлы ужан план'ёсты.

Вань та уж'ёс кулэ каро вань колхоз'ёслэн председателёсьзлэсь МТС-ын ужасьёслэсь, первичной партийной организациослэсь та ужен мылысь-кыдысь кивалтэмзэс но конкретной юрттэт сётэмзэс. Октон-калтон кампанилы дасяськоньсь раскачиватся каронзэ быдтыны дыр вуэмын ни. Нимысьтыз саклык вис'ямын луыны кулэ машинаосты тупат'янлэн зечлыкэзлы.

Али та нунал'ёсы паськыт вöлмытино социалистической соревнование но стахановской движение, чтобы та меропрятиос мед юрттозы сельскохозяйственной машинаосты тупат'яса азинлыко быдэстыны. МТС-ын но колхоз'ёсын сельскохозяйственной машинаосты тупат'ясьёс пöлын умой пуктоно массово-раз'яснительной ужез. Валэктоно соослы сое, что чем жога но выль зечлыкен соос тупат'яса быдэстоны сельскохозяйственной машинаосты, тем вакчи дыр куспын но выль зечлыкен ортчытэмын луоз октон-калтон кампани.

## ТАСС-лэн ивортонзэ

Советской войскоослэн Прибалтийской странаосы пыремзы пумысен та берло дыре кужимысь сыче кыл'ёс вöлдыло, литовско-германской граница вылэ оло 100, оло 150 советской дивизиос люкамын шуыса, та советской войскоосты люкан, пе, кылдэмын Германилэн Западын азинскон'ёсызлы Советской Союзлэн недовольствоеныз, со, пе, возматэ советско-германской отношениослэсь уродмезэс и солэн цезез, пе, луэ Германия вылэ зйбон. Сыче кыл вöлдылон'ёсты пöртэм сямен гож'яло нуналлы быдэ кадь ик американской, японской, английской, французской, турецкой, шведской печэтын.

ТАСС уполномочить каремын вераны, что ваньмыз сыче кыл вöлдон'ёс, куд'ёсызлэн нелепостьсы озы но адзиськымон ни, чик зэмлы уг тупало. Прибалтийской странаосын зэмзэ вераса 100 но 150 но советской дивизиос öвöл, а ваньмыз 18—20 дивизиослэсь трос öвöл, и та дивизиос öвöл люкамын литовско-германской граница дурын, соос луо куинь Прибалтий-

ской государствоослэн пöртэм-пöртэм район'ёсазы и солэн цезез Германия вылэ (зйбон) öвöл, а луэ СССР ласянь та странаосын огодлы огод юрттон пактэз улоньн быдэстонлы гарантия кылдытон.

Ответственной советской круг'ёсын лыд'яло, что сыче нелепоесь вераськылон'ёсты вöлдылсьёслэн специальной целенызы луэ советско-германской отношениос вылэ вужер усыкытон. Но со господаос шараяло асьсэлэсь действительность понна лушкем мылкыдзэс. Соос валаны уг быгато, лэся, со адзиськымон фактэз, что СССР но Германия куспын огод вылэ огод нападата каронтэм вылысь пакт гожтыса тупатэм добрососедской отношениосты лябзытыны уз луынокыче кыл вöлдон'ёсын но векчиесь узат'яськон пропагандаен, малы ке шуод со отношениос основать каремын öвöл конъюнктурной характер'ем мотив'ёс вылын, со отношениос основать каремын СССР-лэн но Германилэн коренной интерес'ёсы вылын.

## Передовой опытлэн школаез

Милям гуртамы колхоз кылдэч бере ик монэ колхозлэн правлениез бригадирын ужаны кариз. Одыр ар чоже бригадирын ужаса трос азинскон'ёс басытыны быгатй. Татысен колхозлэн правлениез мыным ответственной но почетной уж оскиз, колхозлэн МТФ-яз заведующее кариз.

МТФ-ын 5 ар чоже ужаса вылэсь азинскон'ёс басытылй. Арысь аре МТФ-ысь скал'ёслэн йырлыды будылйз, соослэн зечлыксы но умоялляз.

Али нош ужасько ни колхозлэн председателез луыса. Аслэстым ужде яратыса ужамен, мон котыкыче уж'ёсты честно но добросовестно быдэсьян понна нюр'ясыкыско.

Туэ арын тужгес но паськыт вöлмиз выль урожай понна нюр'яскон, ефремовской движение. Соин ик, мон аслам колхозам ефремовец'ёслэсь ужан амалзэс применять карыса тулыс ю кизён кампаниез йылпум'яй. Нырысь ик 168 гектар тысё культураос пöлысь 70 процентсэ рядовой сеялкаен кизимы. Вань ю кидыс 100 процентлы ик протравливать каремын но 17 центнер яровизировать карыса киземын. Кизем муос вылэ минеральной удобрениос суперфосфат, калийной сылал но мукет'ёсыз кыскамын. Тулыс ю кизён дыр'я вань уж звеноосын ортчытэмын. Луд уж'ёсын ужаны понна 4 звено кылдытэмын, куд'ёсыз куспазы чошаткыса ужало.

Партилен но правительстволэн постановленизы потэм бере туэ арын тылобурдо вордон ферма. кылдытйм, кудаз али дырлы 75 йыр курегпиосыз ни. Со сяна ОФ-ямы 15 ыж'ёсмы но план'я тырмымон МТФ-ямы скал'ёсмы вань.

Колхозысьтымы фермаосты вуэн обеспечить карыны понна туэ, арын пруд чыпим. Со котырты али сад мертыса чорыг'ёслы йылыны понна условиос кылдытыны малпаськомы. Та ужез быдэстыны понна колхозник'ёс но колхозницаос бадзым мылкыдзэс возматэ.

Колхозмылэн азинскон'ёсыз вань ке но, азыланьын эшшо но соосты паськытатыны луоно на. Талы милям колхозлэн кужымез тырмоз, колхозник'ёслэн но колхозницаослэн амалзы шедёз.

Туэ арын мон Всесоюзной сельскохозяйственной выставкае экскурсияе ветгли, кытын туж трос выльзэ адзи. Выставка—со передовой опытлэн школаез.

ВСХВ-е экскурсияе ветлыса, нимысьтыз саклык вис'яй мон „Зерно“ но „Животноводство“ павильон'ёс вылэ, ибо таос тужгес но юрттэт сётыны быгато колхоззэ большевистской но колхозник'ёсты зажиточной ужан сюрес вылэ потыны.

Нимысьтыз басытом „зерно“ павильонзэ. Та павильонысь тырмыт адзыны луэ кыче метод'ёсын быгато но басытыны выль урожай'ёсты. Татын ваемын трос пöртэм культураос, куд'ёсыз будэтэмын асьме родинамылэн социалистической земледелилэн азымын'ёсыныз. Таче азинскон'ёсты басытыны асьме колхоз'ёсын но луоно.

Только кулэ жадензэ валатэк ужам но агротехнической мерэпрятиез уж вылын быдэсьям. Таос обеспечить карозы выль сгалинскэй урожай басытонзэ.

Социалистической земледелилэсь азымын'ёсызлэсь ужан амалзэс учкыса, туэ арын зег кизёнын ик куд-огзэ соосты уже кутыны малпасько: зегез кизём ваньзэ рядовой сеялкаосын, вортомы но паз'яломы минеральной удобрение, гурт кыед вöлдымы. Та меропрятиос тырмыт юрттэт сётозы выль урожай басытонын.

„Животноводство“ павильонзэ учкыса татысь но куд-ог ужам метод'ёсты милям колхозамы применить карыны малпасько. Кылсярысь, МТФ-ысь скал'ёслэсь зечлыкзэс умоятыны понна метизация ортчытомы. Озы тургскомы скал'ёсты чисто породной карыны но соослэсь продуктивностьсэс жутыны. Пудовордонзэ паськытатыны толалтэ пудоослы тырмыт но пöртэмез сион'ёс сётчаны понна умой кормовой база кылдытомы. Али дырлы со предпосылкаос милям вань ни: киземын корнеплод, мертэмын картошка но тыремын силос.

Выль урожайёс басытыны но пудо вордонзэ паськытатыны, солэсь зечлыкзэ умоятыны котыкуд колхозлы луоно. Соин ик мон мылкыд сётисько вань колхоз'ёслэн кивалт'ёссылы ужен мылысь-кыдысь кивалтыны. Басытыны бадзымез азинскон'ёс и тыршоно 1941 арын луоно Всесоюзной сельскохозяйственной выставкын участвовать карон право басытон понна. Та правоез басытыны быгато-мы соку, куке тыршомы выль урожайёс басытыны, жутомы, пудо вордонзэ но вань та уж'ёсын побольшевистски кивалтомы.

А. Е. Ушаков,  
„Азылань“ колхозлэн председателез,  
1940 арын ВСХВ-лэн экскурсантэз.

СССР-лэн Верховной Советэзлэн Президиумезлэн Указез'я Советской Союзлэн Героезлы 1-тй ранго командармы С. К. Тимошенколы присвоить каремын Советской Союзлэн Маршалэзлэсь званизэ. С. К. Тимошенко назначить каремын СССР-лэн Оборонаезлэн Народной Комиссареныз.



СССР-лэн Оборонаезлэн Народной Комиссарез, Советской Союзлэн Маршалэз Советской Союзлэн Героез С. К. Тимошенко

**ДЕПУТАТ — КАЛЫКАЭН СЛУГАЕЗ**

Костромской сельсоветысь, „Костромка“ колхозысь колхозница Семакина Анна Ефремовна арысь аре умой пример'ес возма'яса ужаз, колхозын производственной планэн тупатэм нормаосты мултэсэн быдэстылйз. Со ас сьобраз вань колхозник'эсты но колхозницаосты колхозын честно но добросовестно ужаны дьтылйз.

Семакина эшлэсь тазы ужамзэ адзыса, УАССР-лэн Верховной Советэз депутат'ес выдвигать карыны куткем бере, „Костромка“ колхозысь передовой колхозник'ес но колхозницаос Анна Ефремовнаез Пудемской избирательной округе депутат'ес кандидатэн выдвинугь каризы. Пудемской избирательной округысь избиратель'еслэсь выдвигенизэс Семакина эш поддержать карыса, та округын баллотироваться карысыны согласизэ сэтйз.

26 июнь 1938 ар. Пудемской избирательной округысь вань избиратель'ес избирательной участок'эсы люкасыны но асьсэлэсь голосэс одйг кылысь кадъ, Семакина Анна Ефремовналы сэтйзы. Со дырысен Семакина Удмуртысь знатной адями—Удмуртской АССР-

лэн Верховной Советэзлэн депутатэз луэ.

26-тй июнь 1940 ар. Кык ар чоже депутатын улыса, Семакина эш трослы будйз. Со рядовая колхозница вал ке, б толэзем агротехнической курсын дышетскиз но, участковой агроном луыса ужаз. Табере нош Ижевскысь высшай сельхоззяйственной школын дышетске ни.

Дышетскыны куткемезлэсь азыло аслаз избратель'есыз пöлын Анна Ефремовна нуналмысь валэктон уж нуылйз. Колхозник'ес но колхозницаос пöлын трудовой дисциплинаез юнматон понна нюр'ясыкылйз. Со сяна партилэсь но правительстволэсь постановлениосэс колхозник'еслы валэктылйз.

Кык ар чоже депутатын ужаса, Семакина эш избиратель'еслэсь трос жалобаоссэс эскериз но соослы ответ'ес сэтйлйз, яке ачиз мыныса жалобаос'я кулэ ужрад'ес кутылйз.

Удмуртской АССР-лэн Верховной Советэзлэн сессиосыз бере, сессилен решениосыз'я избиратель'ес пöлын валэктон уж нуэ.

**Сюрес лэстыонэн нуналмысь кивалтоно**

Пудемской районлы Удмуртилэн Чепца шур сьöрысьтыз район'есыныз герзасыны понна, государствонынь сётон планэз вакчи дыр кустын быдэстыны но котькыче дыре вуз вайылыны быгатылыны понна Чепца шур дорысь домба туэ арын лэстыса быдэстэмын луыны кулэ. Та'чеесь конкретной задачаоссы асьме районуысь колхоз'еслэн.

Та задачаез уж вылын быдэстыны понна куд-ог колхоз'ес кутскизы ни. Тани Костромской сельсоветысь, „Азылань“ колхозлэн председателз А. Е. Ушаков эш ас колхозысьтыз колхозник'еслэсь но колхозницаослэсь сюрес лэстыонэ нимысьтыз бригада вис'яз. Бригадаэн кивалтыны Е. Г. Ушакова эш назначить кзыремын.

Ушакова эш аслэстыз ужас'ес сэ шонер расстановить карыса но ужез умой организовать карыса, ужан нормаэз нуналмысь мултэсэн быдэс'я. Бригадаысьтыз член'есыз Ившин И. С., Поздеев И. Н., Ушак в А. С., Ушаксв А. И. но Иванов А. А. эш эс нормаэс 175—200 процентлы быдэс'яло. Озы ик умой ужало Еловской сельсоветысь „Груд“ колхозысь Марьин эшлэн бригадаез но. Та колхозысь колхозник'ес кустазы чошатскыса ужало сюрес лэстыонэн. Чошатскыса ужанэн кивалто Марьин но доруполномоченной Скопин эш'ес.

Азымынсьёсын чош ик взнь сюрес лэстыонэз сан'эманы туртскысь колхоз председател'ес. Люмской сельсоветысь, „Красной май“ колхозлэн председателз Кельдышев 12 мурт колхозник'эсты сюрес

лэстыонэ нокин ответственной мурт'эсты вис'ятэк ыстйз но, ужзы но соослэн сы'че ик луиз. Колхозник'эсын кивалтыны кутскиз Киров, кудйз вань колхозник'эсты сюрес лэстыонысь Ярославской заготсеное ужаны нуиз. Озыен та колхозлэн сюрес лэстыон планэз ялан уг быдэс'ясыкы, нош та уже ыстэм колхозник'ес Ярославской районуын ас понназы ужаса уло.


Сюрес лэстыон планэз быдэстынын пöртэм ик уг ужало „Лековаевской сельсоветысь колхоз'ес но. Кылсырысь, „Лековай“ колхозлэн председателз И. И. Владыкин эш 11—12 арес мур эз сюрес лэстыонэ ыстэм, кудйз но кы'че уж'эсты но сюрес лэстыонэн быдэс'яны уг быгаты. Чидантэм ляб ужало та сельсоветысь ик „Крестьянка“, Кировлэн н и м ы н ы з нимам, Чабуровской сельсоветысь Молотовлэн нимыныз нимам но Бозинской сельсоветысь „1 май“ колхоз'ес.

Райсоветлэн исполнительной комитетэзлы нимысьтыз саклык вис'яса кивалтоно сюрес лэстыон ужен. Конкретной кулэ ужрад'ес кутон сюрес лэстыон планэз быдэстонлэсь палэнскыны туртскысь колхоз'еслэн председател'ессылы.

Вераны кулэ сое но, что райсоветлэн исполнительной комитетэз но ВКП(б) райком сюрес лэстыонысь колхозник'эсты но колхозницаосты обслуживать карыны понна Князев но Поздеев эш'эсты политике вис'яз но, соос сюрес лэстыонэ одйг иол но өз ветлэ на.

Чирков.

Москва—Советской Сöюзлэн столицаез.



Фрунзенской набережнойыс улоно виль дом.

**КОМСОМОЛЬСКОЙ УЛОН**

**Комсомольской ужез конкретно кивалтоно**

ВЛКСМ-лэн ЦК-езлэн 10 пленумез трудящой'эсты но пинал'эсты коммунистически воспитать карон ласянь комсомольской организациос азе бадзымесь но ответственной задачаос пуктйз. Та задачаез азинлыко быдэстыны понна ВЛКСМ-лэн Пудемской райкомезлэн тырмытэсь условиосыз вань. Озы ке но райкомоллэн секретарез Городилова эш та ужез ялан раскачиваться каре на.

Вераны кулэ, что райкомолын ужас'ес вообще первичной комсомольской организациосы ветлыны кышкало. Соослы улын адске колхоз'эсы ветлыны. Колхоз'эсысь комсомолец'еслы но первичной КСМ организациослы юртгон интые, соос кабинетазы гинэ ужан дырзэс быдто.

Тани Казаковской первичной КСМ организациа райкомоллэн ныр улаз ке но, татын туж трос безобразиос вань. Первичной КСМ организацилен секретарез Байбородов Николай Петрович 1940 арын

комсомолец'еслэсь членской взнослюкаса бс манетсэ аслыз киултйз ни. Комсомолец'еслэн но кы'че дисциплиназы öвöл, нош Вершинин комсомолец (колхозлэн азыло председателз) партилен но правительстволэн котькы'че мероприятиосызлы пумит выступать каре.

Та'че положениез райкомолысь ужас'еслэн асужазы чик ответственность шöдыпэк ужаменызы сяна н о м ы р и н но валэктыны уг луы. Райкомоллэн вань ужез пуктэмын компайнейщинаен, кудйз кемалась осудить каремын ни, кулэ-тэм уж кадъ. Нош нуналмысь комсомолец'еслэн но первичной КСМ организациослэн уженызы интересоваться карыны но конкретно юрттэт сётыны райкомоллэн секретарез Городилова эш уг малпаскыны.

Копак пум пононо ответственнось шöдытэк ужанлы. Первичной комсомольской организациослы но нимаз-нимаз комсомолец'еслы практической юрттэт сётыса ужаны кутсконо. КОМСОМОЛЕЦ.

**Германия но Франция кустын перемирие сярись соглашение гожтон**

Германской армилэн верховной командованиезлэн ивортонэз

Берлин, (ТАСС). Германской информациионой бюро Германилен вооруженной кужым'есызлэн верховной главнокомандующошоезлэн ставкаезлэсь та'че ивортонэз сэтэ: „22 июне 18 час но 50 минутэ германской дырын Компьенской нюлэскыны подписать каремын вал соглашение Германия но Франция кустын перемирие сярись. Соглашениез Германия ласянь подписать кариз Гитлерлэн уполномоченное Германилен вооруженной кужым'есызлэн верховной командованиезлэн начальникез генерал-полковник

Кейтель, Франция ласянь подписать кариз Францилен правительствозлэн уполномоченное—генерал Хюнтцигер. Военной действиосты дугдытон таин герзасыкемын öвöл на. Военной действиос дугдытэмын луозы Италия но Франция кустын перемирие заключить карем бере италийской правительстволэн германской верховной командованиезлы ивортэмез бере б час ортыса гинэ. Соглашенилэсь содержанизэ али ивортны уг луы на“.

**Эльзас-Лотарингысь Французской армиос сётскизы**

Берлин, (ТАСС). Германской информациионой бюро германской армилэн верховной командованиезлэсь та'че ивортонэз сэтэ: „Эльзас-Лотарингыын котыртэм французской армиос туж кужмо пумит'ясыкемзы бере сётскизы. Тйни озы

ог жыны миллион ёрос французской солдат'ес асьме киулэ сюризы. Французской войскоос пöлын трос генерал'ес, соос пöлын озы ик шедемын куйныметй, витетй но тямысэтй армиослэн главнокомандующош'ессы“.

**Французской военной флотлэн судьбаез**

Нью-Йорк, (ТАСС). „Нью-Йорк геральд Трибюн“ газетлэн ивортэмез'я, правительственной круг'ес сведениос басытйзы английской военно-морской флот французской военной флотэз контролировать каронэз ас вылаз басытйз шуыса. Француз'ес, лэстыса быдэстымтэ „Ришелье“ но „Клемансо“ линкор'эсты пуштытйзы шуыса ивортэ. Газетлэн верамез'я, англичан'ес фран-

цузской военной флотэз лущканы быгатйзы французской адмирал'еслэн согласизыя. Вашингтонысь английской посольство со ивортон'эсты валэктыны пумит карыське.

Врид. редактора—П. ЛУБНИНА.  
Поттйсь Райсоветлэн Исполкомез.

**Я л о н**

71 номеро Ижевской завод основной цех'эсаз ужаны понна ужась кужым люка. Татсы мыныны мылкыд карысьёс 28-29-30 июне Пудемской райисполкоме лыктоно луо. Заводэ ужаны мынйсьёслэн бордазы колхозлэн правлениезлэсь но сельской исполнительной комитетлэсь басытэм оскытонзы мед луоз паспор басытыны понна. Пиос'ес военной билетэс но басытоно луо. Со колхоз'есын, кудаз ужась кужым вис'яллытэ на, али ик вис'яллыно но 29 июне райисполкоме Александров эш доры оформляться карыны ыстоно.

71 номеро заводлэн уполномоченное Александров.

**КИНО-ТЕАТР**

**А н о н с**

29—30 июне

**„НА ГРАНИЦЕ“**

Сеанс'ес кутско б но 8 часэ жытазе

**Французской правительство Бордоын ик на**

Нью-Йорк, (ТАСС). Ассошиэтед пресс агенстволэн Бордоысь ивортэмез'я толон 18 час 25 минутэ французской правительство Бордоын ик вал на. Юлай ед пресс агенстволэн Бордоысь ивортэмез'я французской правительство Бордоысь кошкыны чакла. Но та вопрос пумозяз решить каремын луоз французской представитель'есын перемириелы германской условиос сярись доклад лэстытэм бере гинэ.